

Ni Presidente
Henry B. Eyring

Umuna a Mammagbaga iti
Umuna a Pangulu



Naigaman iti Kinalinteg

Imbaga ti propeta ti Dios iti daga, ni Presidente Thomas S. Monson, “Iti agdama, napalawlawantayo iti kadakkelan a puersa ti basol, bisio, ken dakes a nagtipon iti sanganantayo.”¹

Masdaawkayo kadi a maammuan nga insawang ni Presidente Monson dagitan a balikas 50 a tawenen ti napalabas? No napalawlawantayo iti awan kapadana a dakkell a puersa ti kinadangkes idi, kasano ti kadakkell ti peggad nga ited ti dakes kadatayo iti agdama? Para iti nasayaat a gapu, impakdaar ti Apo ti dispensasionantayo, “Adtoy, nagtipon dagiti kabusor” (DkK 38:12).

Nangrugi ti gubat a “nakailistaantayo amin”² sakbay a naipasngayantayo iti rabaw ti daga. Nangrugi daytoy uray sakbay pay a naparsua ti daga. Nangrugi daytoy rinibribun a tawen ti napalabas iti biag sakbay daytoy a biag, nga immalsaan idi ni Satan as ken “pinanggepna a dadaelen ti kinawaya ti tao nga agpili” (Moises 4:3).

Naabak ni Satan as iti dayta a gubat ket “naipuruak iti daga” (Apocalipsis 12:9), a pangituloyanna iti pannakigubatna iti agdama. Dito y daga “nangparnuay iti gubat kadagiti santo ti Dios, ket inalikubkobna ida” (DkK 76:29) iti panagulbod, panangallilaw, ken pannulisog.

Makiranget a maibusor kadagiti propeta ken apostol. Makiranget a maibusor iti linteg ti kinadalus iti dayaw ken ti kinasagrado ti kallaysa. Makiranget a maibusor iti familia ken iti templo. Makiranget a maibusor iti nasayaat, nasantuan, ken nasagraduan.

Kasano a labanantayo ti kasta a kabusor? Kasano a labanantayo ti dakes a kasla nangpunnon iti lubongtayo? Ania ti kalasagtayo? Asino dagiti kaanibtayo?

Ti Bileg ti Kordero

Insuro ni Propeta Joseph Smith nga adda bileg ni Satan as kadatayo laeng no palubosantayo isuna.³

Iti panangkitatayo iti panawentayo, ni Nephi, “naimatangan[na] ti bileg ti Kordero ti Dios, a bimmaba kadagiti santo ti simbaan ti Kordero, ken kadagiti natulagan a tao ti Apo, a naiwaraswaras iti amin a dagdaga; ket *igamda ti kinalinteg ken addaanda iti nadayag a bileg ti Dios*” (1 Nephi 14:14; nainayon ti panangyunay-unay).

Kasano nga igamantayo ti bagbagitayo iti kinalinteg ken bileg? Ngilinentayo a nasantuan ti aldaw ti Sabbath ken dayawentayo ti priesthood. Agaramid ken agtungpaltayo kadagiti sagrado a katulagan, itrabahotayo ti pakasaritaan ti pamiliatayo, ken dumar-aytayo iti templo. Agtultuloy nga ikarigatantayo ti agbabawi ken idawat iti Apo nga “aramaten[na] ti pangsubbot a dara ni Cristo tapno magunodmi ti pannakapakawan ti basolmi” (Mosiah 4:2). Agkararag ken agserbi ken agpaneknek ken aramatentayo ti pammati ken ni Jesucristo.

Igamantayo pay ti bagitayo iti kinalinteg ken bileg no “italimeng[tayo] iti panunot[tayo] a naynay dagiti balikas ti biag” (DkK 84:85). Italimengtayo dagita a balikas babaen ti panangirarentayo iti bagitayo kadagiti nasantuan a kasuratan ken kadagiti balikas dagiti napili a katulungan ti Apo, a mangiburayto iti pagayatan, panunot, ken timekna (kitaen iti DkK 68:4) kabayatan ti sapasap a komperensia iti sumaruno a bulan.

Iti pannakibakaltayo a maibusor iti dakes, nasken a kanayon a laglagipentayo nga adda tulongtayo manipud iti agsumbangir ti belo. Mairaman kadagiti kaanibtayo ti

Dios nga Agnanayon nga Ama, ni Apo Jesucristo, ken ti Espiritu Santo.

Mairaman pay kadagiti kaanibtayoy dagiti saan a makita a buybuyot ti langit. “Dika agbuteng,” imbaga ni Elisha iti maysa a managbuteng a baro bayat ti panangsangoda iti buyot ti dakes, “gapu ta ad-aduda nga adda kadaytoy ngem isuda nga adda kadakuada” (kitaen iti 2 Ar-ari 6:15–16).

Masapul a ditayo agbuteng. Ay-ayaten ti Dios dagiti Santona. Iti kaano man dinatayonto baybay-an.

Ammok a ti Dios, kas sungbat iti kararagko, tinungpalna dagiti ararawko nga isalakannak manipud iti dakes. Panek-nekak a babaen ti tulong ti Dios Ama, ti Mangisalakana ti lubong, ken ti Espiritu Santo, maipanamna kadaytoy a maikkantayonto iti dakdakkal pay a bileg a mangsarked kadagiti ania man a puersa ti dakes a sanguentayo.

Maigamantayo koma a kanayon iti kinalinteg tapno maaddantayo iti talek iti kamaudianan a panagballigi.

DAGITI NAGADAWAN

1. Thomas S. Monson, “Correlation Brings Blessings,” *Relief Society Magazine*, Abr. 1967, 247.
2. “We Are All Enlisted,” *Hymns*, no. 250.
3. Kitaen iti *Teachings of Presidents of the Church: Joseph Smith* (2007), 214.

PANANGISURO MANIPUD ITI DAYTOY A MENSAHE

Palagipannatayo ni Presidente Eyring a makigubgubattayo a maibusor iti dakes. Mabalinyo nga irugi babaen ti pannakipagkanta iti “We Are All Enlisted” (*Hymns*, no. 250) kadagiti sursuruanyo. Kalpasanna mabalinyo nga awisen ida a mangisalaysay no kasano a nasalaknibanda babaen ti kinalinteg ket panunotenyo dagiti wagas a pakasalakniban ti pamiliada a maibusor ken ni Satanas, kas iti panangpili iti nasayaat a media, panangangay kadagiti family council, wenna panangaramid iti linawas a family home evening. Mabalina a karitenyo ida a nainkararagan nga utobenda no kasano a mapatibkerda ti pamiliada ket allukoyenyo ida a mangaramid iti plano a mangipatungpal kadagiti ideyada.

AGTUTUBO

Naikeddengkon

Ni Madison Thompson

Naminsan a nakaawatak iti napateg a leksion iti klase ti Young Women maipapan ti kinadalus iti seks—maysa a topiko a napateg unay kadagiti agtutubo tapno tumipkelda kadagiti tugawda. Diak malagip ti amin a naadalko iti dayta nga aldaw, ngem nalagipko ti liderko nga agsarsarita maipapan ti maysa

kadagiti bukodna a pagrukodan—a kanayon nga agtalinaed a nadalus iti seks. Nagtalinaed kaniak dagiti balikasna, ket kalpasanna napasnek nga inkeddengko ti mangpadur-as iti daytoy kas maysa kadagiti bukodko a personal nga ik-ikkan pateg.

Maysa nga aldaw bayat ti panagluganko iti bus nga agawid manipud iti paay-ayam, maysa a tao iti bus ti nangirugi iti maysa nga ay-ayam maipapan iti kinapudno wenna karit. Nakipagay-ayamak ken ti sumagmamano kadagiti dadduma pay nga ubbing. Idi siak ti mabatangan, nakaratak nga agaramid iti maysa a banag nga ammok a saan nga umno. Nalabit a narigat a panggeddeng daytoy tapno aramidek, ngem napanunotko dagiti balikas ti liderko iti Young Women, ken nalaka nga aramidek ti pili. Madagdagus a nagkedkedak. Nakaikeddengakon no ania ti aramidek iti dayta a situasion.

Ammok a no mapantayo iti simbaan ket ita-limengtayo dagiti banag a nasursurotayo idiyay, mabendisionantayo iti ad-adu pay a naespirituan a pigsang ken salaknib manipud kadagiti pannulisog ti lubong.

Agnaed ti nagsurat iti Utah, USA.

ANNAK

Isuotyo ti Kalasagyo

Adu dagiti dakes a banag iti lubong ita. Kasla kalasagyo a mangsalaknib kadaytoy ti ebanghelio. Basaenyo ti 10 a banag nga imbaga ni Presidente Eyring nga aramidantayo tapno masalakniban dagiti bagitayo. Kalpasanna idrowing ken koloranyo ti bukodyo a kalasag!

1. Ngilinen a nasantuan ti aldaw ti Sabbath
2. Dayawen ti priesthood
3. Agaramid ken agtungpalkayo kadagiti katulagan
4. Obraenyo ti pakasaritaan ti familia
5. Mapankayo iti templo
6. Agbabawikayo
7. Agkararagkayo
8. Agserbikayo kadagiti dadduma
9. Iburayyo ti pammaneknekyo
10. Basaenyo dagiti nasantuan a kasuratan

© 2017 ti Intellectual Reserve, Inc. Nailatang amin a karbengan. Naimaldit iti EUA. Pannakaanamongna iti Ingles: 6/16. Pannakaanamongna a maipatarus: 6/16. Pannakaipatarus ti *First Presidency Message, March 2017*. Ilokano. 97923 864



Ti Mangpabael a Bileg ni Jesucristo ken ti Pannubbotna

Nainkararagan nga adalenyo daytoy a material ken kalikagumanyo nga ammuen no ania ti ibinglayyo. Kasano a ti pannakaawat iti panggep ti Relief Society ket mangisagana kadagiti annak a babbai ti Dios para kadagiti bendision ti agnanayon a biag?

Pammati, Pamilia, Tulong

“Maaramidko ti amin a banag babaen ken Cristo a mangpapigsa kaniak” (Taga Filipos 4:13). “Nupay addaantayo amin kadagiti pagkapsutan, marimbawantayo dagitoy,” kuna ni Presidente Dieter F. Uchtdorf, Maikadua a Mammagbaga iti Umuna a Pangu-luen. “Agpayso a babaen ti parabur ti Dios a, no ipakumbabatayo ti bagbagitayo ken maaddaantayo iti pammati, makapagbalin a napigsa dagiti nakapsut a banag.”¹

Kuna ti Mangisalakan iti Doktrina ken Katulagan, “Addaakto iti sango-yo. Addaakto iti makanawanyo ken iti makanigidyo, ket addanto ti Espirituk iti puspusoyo, ket likmutendakayonto dagiti anghelko, a mangtarabay kadakayo” (DkK 84:88).

“Ni Nephi ti maysa a pagwadan ti maysa a nakaammo, nakaawat, ken nagpannurray iti mangpabael a bileg ti Mangisalakan,” kuna ni Elder David A. Bednar ti Korum dagiti

Sangapulo-ket-dua nga Apostol. “Pinungo isuna dagiti kakabsat ni Nephi ket plinanoda ti pannakadadaelna. Basaen koma ti kararag ni Nephi: ‘O Apo, gapu iti pammantik kenka, isalakannak manipud kadagiti ima dagiti kabsatko; wen, *ikkannak iti pigsa a mangruk-at iti daytoy a tali* a naireppet kaniak’ (1 Nephi 7:17; nainayon ti panangyunay-unay).

“... Saan a nagkararag ni Nephi tapno agbalbaliw ti kasasaadna. Ketdi, nagkararag para iti pigsa a mangbalbaliw kadagiti kasasaadna. Ken namatiak a nagkararag isuna iti kastoy a wagas a sipupudno gapu ta ammona, naawatanna, ken napadasanna ti mangpabael a bileg ti Pannubbot.

“Panagkunak dagiti tali a nangreppet ken ni Nephi ket saan a kasla mahika a naikkat kadagiti ima ken pungupunguanna. No di ketdi, panagkunak isu ket naparaburan

iti agpada a panagkagumaan ken bukod a pigsa iti labes ti gagangay a kabaelanna, nga isu ‘babaen ti bileg ti Apo’ (Mosiah 9:17) nawarwar, nalukayan, ken naruk-atanna dagiti reppet, ket iti kamaudiananna nabaelanna a naikkat dagiti tali.”²

Dagiti Mainayon a Nasantuan a Kasuratan ken Impormasion

Isaias 41:10; Ether 12:27;
reliefsociety.lds.org

DAGITI NAGADAWAN

1. Dieter F. Uchtdorf, “The Way of the Disciple,” *Liahona*, Mayo 2015, 108.
2. David A. Bednar, “Strength beyond Our Own,” *New Era*, Mar. 2015, 4.

Ibilang Daytoy

Kasano a ti mangpabael a bileg ni Jesucristo ken ti pangsubbot a sakripiona ket makatulong nga agbalin a napigsa dagiti pagkapsutantayo?